



Geschichte der geistlichen Stiftungen, der adlichen Familien, so wie der Städte und Burgen der Mark Brandenburg

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1857

X. Papst Innocenz IV. giebt dem Hospital zum heiligen Geist in Salzwedel das Recht, bei einem allgemeinen Interdikt den Gottesdienst bei verschlossenen Thüren halten zu können, am 5. Mai 1253.

Nutzungsbedingungen

[urn:nbn:de:hbz:466:1-54909](https://nbn-resolving.org/urn:nbn:de:hbz:466:1-54909)

rios districti prohibemus, eas si fecus actum fuerit carere viribus decernentes. Datum Colonie, Nonis Ianuarii, pontificatus Domini Innocentii pape quarti Anno nono.

Aus Dannel's Kirchengeschichte der Stadt Salzwedel S. 3.

IX. Bischof Gerhard von Verden bestätigt das Hospital zum heiligen Geist in Salzwedel, im Jahre 1252.

Gherardus, Dei gratia episcopus, Borchardus, Prepositus, Meynricus, Decanus, totumque Verdenfis ecclesie Capitulum omnibus hoc scriptum inspecturis salutem in Domino. Quoniam ea, que geruntur in tempore, simul labuntur cum tempore, adhibenda est discretio et cautela, ut quod pium et dignum memoria agitur, oblivionis jactura preclusa occurrat notitie futurorum. Hinc est, quod notum esse cupimus tam presentibus quam futuris, quod nos institutionem et ordinationem hospitalis Sancti Spiritus, quod interjacet civitati Soltwedel et ville Perwere, a Domino Ottone, Marchioni Brandenburgensi, pie et laudabiliter factam et de consensu et bona voluntate Domini Thiderici, Prepositi de Saltwedele, in una parochia situm est, favorabiliter approbatam, videlicet quod ipse dictum hospitale cum omnibus suis attinentiis ab omni jure, quod ei in ipso cedere posset in presenti, sive suis successoribus in futuro, per omnia liberum reliquit, secundum quod etiam in literis super hoc confectis tam Domini Marchionis, quam etiam ipsius prepositi evidenter et plenius videri potest et colligi, ratam habemus, cupientes ipsam obtinere robur perpetue firmitatis. Ad amputandum igitur omnem dubitationis scrupulum super hoc facto tam laudabili et rationabili et ne aliquo casu futuris quibuscunque temporibus ipsum hospitale et provifores ejusdem in jure suo impediri contingat forsitan aut gravari, in hujus facti memoriam et consensus et rathabitionis nostre super hoc accidentis evidentiam presenti scripto sigillorum nostrorum appensionibus roborato jam sepe dictum hospitale et provifores ipsius, qui pro parte fuerint, dignum duximus muniendos. Datum anno Domini Millesimo ducentesimo quinquagesimo secundo, pontificatus nostri anno primo, in civitate Verdenfi.

Nach Lenz Br. Urk. II, 881.

X. Paps Innocenz IV. giebt dem Hospital zum heiligen Geist in Salzwedel das Recht, bei einem allgemeinen Interdict den Gottesdienst bei verschlossenen Thüren halten zu können, am 5. Mai 1253.

Innocentius, episcopus, servus servorum Dei, dilectis filiis Magistro et fratribus hospitalis sancti Spiritus in Soltwedel Verdenfis diocesis salutem. Solet annuere sedes apostolica piis votis et honestis petentium partibus favorem benevolum impertiri. Eapropter dilectarum in Christo filiarum Mulierum Marchionisse Brandeborgensis et nate ipsius Ducisse de Brunswick per suas nobis literas pro vobis supplicantium ac vestris precibus inclinati auctoritate vobis presen-

tium indulgemus, ut generalis tempore interdicti liceat vobis in ecclesia vestra clausis ianuis interdictis et excommunicatis exclusis, non pulsatis campanis, submissa voce divina celebrare officia vel facere celebrari, dummodo causam non dederitis interdicto vel id vobis non contingat specialiter interdicti. — — Datum Afisii, tertio nonas Maii, Pontificatus nostri anno decimo.

Danneil's Kirchengeschichte der Stadt Salzwehel S. 3.

XI. Paps Alexander IV. bestätigt das Hospital zum heil. Geist in Salzwehel,
am 11. Januar 1260.

Alexander, Episcopus, servus servorum Dei, dilectis filiis magistro hospitalis sancti Spiritus apud Soltwedele ejusque fratribus tam presentibus quam futuris regularem vitam professis, in perpetuum. Religiosam vitam eligentibus apostolicum convenit adesse presidium, ne forte cujuslibet teneritatis morsus aut eos a preposito revocet, aut robur, quod absit, sacre religionis infringat. Ea propter dilecti in Domino filii, vestris justis postulationibus clementer annuimus et hospitale sancti Spiritus apud Soltwedele Verdenensis diocesis, in quo divino estis obsequio mancipati, sub beati Petri et nostra protectione suscipimus et presentis scripti privilegio communimus, Inprimis siquidem statuantes, ut ordo canonicus, qui secundum deum et beati Augustini regulam institutus in eodem hospitali esse dinoscitur, perpetuis ibidem temporibus inviolabiliter observetur. Preterea quascunque possessiones, quecunque bona idem hospitale in presentiarum iuste aut canonice possidet, aut in futurum concessione pontificum, largitione Regum vel Principum, oblatione fidelium seu aliis justis modis prestante deo poterit adipisci, firma vobis vestrisque successoribus et illibata permaneant. In quibus hec propriis duximus exprimenda vocabulis: locum ipsum, in quo prefatum hospitale situm est, cum omnibus pertinentiis suis, cum pratis, vineis, terris, nemoribus, usuagiis et pascuis, in busco et plano, in aquis et molendinis, in viis et semitis et omnibus aliis libertatibus et immunitatibus; sane novalium vestrorum, que propriis manibus aut sumtibus colitis, de quibus aliquis hactenus non percepit, siue de vestrorum animalium nutrimentis nullus a vobis decimas exigere vel extorquere presumat. Liceat quoque vobis clericos vel laycos liberos et absolutos e seculo fugientes ad conversionem recipere et eos absque contradictione aliqua retinere. Prohibemus insuper, ut nulli fratrum vestrorum post factam in monasterio vestro professionem fas sit, sine magistri sui licentia de eodem loco nisi arctioris religionis obtentu discedere, discedentem vero absque communi literarum vestrarum cautione nullus audeat retinere. Cum autem generale latum fuerit interdictum, liceat vobis clausis ianuis exclusis excommunicatis et interdictis, non pulsatis campanis, suppressa voce divina officia celebrare, dummodo causam non dederitis interdicto. Crisma vero, oleum sanctum, consecrationes altarium seu basilicarum, ordinationes clericorum, qui ad ordines fuerint promovendi, a diocefano suscipietis episcopo, siquidem catholicus fuerit et gratiam et amorem sacrosancte Romane sedis habuerit, et ea vobis voluerit sine pravitate aliqua exhibere. Prohibemus insuper, ut infra fines parochie vestre nullus sine assensu diocefani episcopi et vestro capellam seu oratorium de novo construere audeat salvis privilegiis pontificum Romanorum. Ad hec novas et indebitas exactiones ab archiepiscopis, episcopis, archidiaconis seu decanis aliisque omnibus ecclesiasticis secularibusque personis a vobis omnino fieri prohibemus. Sepulturam quoque ipsius loci liberam esse decernimus,